

mebun sya

Ilungun muw miru kung sku Maypwan pkba'an biru la'i tikuy ryax
hasa ga, ini ptna balay kinyanux slali ki misuw ryax soni hani, mku'um
kayan na ru niya psyax hazi ku yangah na ga, rema wayan m'umah mayah
ku yaba yaya muw la. mutuw sami prraw ki sway muw knerin mtyaw,
kuzing ga nama pnahu puni, sway muw hiya ga phapuy myux, ye'igiy plgan
myan magan turing sya ku mama muw, pyanga sa siki musa sami kinpusan
mibun sya, ru pyux sya ssyun myan tahang, nanu iy mutuw sami kinlawkah
mibun sya uzi. ttwang phapuy sami myux ru ptahuk na 'yung, ini ga

p'uwax myan pyatu, uway, sara ru ppema myan ba ru paman myan hi
uzi, pyux balay ku 'uwax myan sya. slyutux muw balay sway muw yegiy
ungat s'yung rngu nya, kyalun muw sway maha, “ nway su kin'utux hmakut
sya isu, ttxiy tikay ku pinnahu puni nki ini tpuyut puni nya. ”

ana niya mtkalux kinsyusan muw rrami ssyun myan bili ga, sungun 'siy
myan rراسي pkba'an biru nni'un myan kinryax, memaw kung nya psya'an
sway muw huwa niya mtkalux rami myan.

masu sami miru utux ryax ru tehuk sami sali lga, ya'asa musa sami
mibun sya lozi, ye'igiy rngu naha 'ngyat kingbyan m'umah mayah ru ini
uwah sali yaba yaya myan na. ana sami lawkah smhung hazi ku sway muw

ga, sungun 'siy sami kat abay ru sr'un myan inlungan, ini sami mhmud
smyuk kay uzi ku yaba yaya myan. kyala ya'ih balay ku kinyanux slali,
lunga sa kba'an myan 'ngyat sami mtyaw ru mung sami kay uzi, nanu maha
kani ku kinyanux myan slali hiya.

Ilungun muw knayan kung ni yaya maha nanu kinyanux slali binkisan
ta ga, txiy ku sawbih p'walax kayan lga, siy ttxiy ku yulung aring nya
babaw rrgyax niya thhuway hmakay ru tbli'an nya tehuk sku llyung musa
mibun sya, rrasun nya mkkaraw rrgyax lozi, ini kbsya lga mwalax la, nanu
yuwaw hani ga niya ta kyalun maha u, ba meibun sya uzi ku Lyutux Nukis
maga, s'suy nya sya sku rrhyan nki mblay ru mpl' ux kwara sku babaw
rhyan ma.

kyan utux kay na meibun sya hani ga, ye'igiy sgalan nya ru lawkah
mnbuw uwaw ku myanux s'uli hasa, lunga sa mutuw naha sawn maha u,
txiy ku rawin hasa, wayan meibun sya la maha.

(文章大意 僅供參考) ※字數限 200 字

提水

以前天未亮時，父母親早已上山工作，我和妹妹會分工合作，我生火，妹妹煮飯。我們和大伯共用水源，需要提水回家中儲放備用，我總心疼妹妹年紀小力氣小，「妳提一次水就好，幫我顧火，不要讓火熄滅。」放學回家要提水，妹妹有時會抱怨，但我們總會咬緊牙根去做工作，這是以前的生活。

看到雲慢慢地從山上往下飄，走到溪裡提水，然後再往上爬，沒有多久便會下雨，祖先說祖靈也會去提水，把水灑在地上，讓世界大地變好、變乾淨。